

darinne Vßzug vnnsrer Stuer vnd Bethe von den Gütern vnd Aeckern dießsyd der Strassen in vnsern Gerichten gelegen davon zu fordern zu nemen, als oft sich das begibt vnd gebürt. Vmb Crossen mit sinem Gericht vnd Burgwarden sal bliben, inmassen als das mit Feldern, Fluren, Steynen vnd Keynen begriffen vnd vermalet ist. Item Wichbilde vnd Gericht, die vnd vmb das Schloß Schonenburg heben sich an gein dem Nydergange der Sonnen nyderzustigen von demselben Glosse Schonenburg in die Sael vnd also in der Sael hinnyder bis an die Engenschaft, des Dorffs Breßnigk vnd von derselben Engenschaft Breßnigk bis an die Engenschaft Griblaum. Also das die zwo Engenschaft von der Burgward außgeschlossen sind, vnd von derselben Engenschaft Griblaum bis an das Wasser das zu Plota flusset vnd das Wasser also hin uff. Abir von demselben Wasser bis zu dem Steyngraben die Grobitz, da man Moelsteyne grebit vnd geht von derselbin Steingruben gem dem Mittage zu dem Dorffe Grobitz vnd von dem Dorffe Grobitz bis an das Tale das von Wasser gerissen ist, durch das Dorff vnd also nyder zu steygen bis an das Wasser das da flüßet die Grobitz, vnd das Wasser abe bis in eyn ander